

# **Inissiani attartortittakkani ineqarnermut tapiissutit pillugit Inatsisartut inatsisaata allanngortinnera pillugu Inatsisartut inatsisaat (Utoqqalinersialinnut siusinaartumillu pensionisialinnut ilanngaati naatsorsuiner tunngaviusussap qaffannerat)**

## **§ 1**

Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq, Inatsisartut inatsisaatigut nr. 32, 23. november 2017-imeersukut allanngortinneqartoq, imatut allannguuteqassaaq:

1. § 5, imm. 1 ima oqaasertalerneqassaaq:

”Inissiani attartortittakkani akiliutitut tapiissutit inigisamut akiliutit annertussusaat, inoqutigiit tamakkiisumik isertitarisaat, inissiap pissuserisaa kiisalu inoqutigiinni 18-it inorlugit ukiullit amerlassusaat tunngavialugit naatsorsorneqartarput.

Piffissami 1. juli 2022-miit 31. december 2022-mut utoqqalinersialimmu maannakkorpiat isertitanit 13.100 kr-it aamma siusinaartumik pensionisialimmu 9.760 kr-it ilanngaatigineqassapput. Ukiumut 2023-mut utoqqalinersialimmu maannakkorpiat isertitanit 14.817 kr-it aamma siusinaartumik pensionisialimmu 12.679 kr-it ilanngaatigineqassapput. Ukiumut 2024-mut siumullu utoqqalinersialinnut siusinaartumillu pensionisialinnut ukiormanna iluarsissut ukiup siuliani utoqqalinersialinnut siusinaartumillu pensionisialinnut isertitanut ilanngaammik ilallugu tassaassaaq ilanngaatissaaq.”

## **§ 2**

Inatsisartut inatsisaat una saqqummiunneqarnerata kingorna aqaguani atuutilissaaq aamma inissiani attartortittakkani ineqarnermut tapiissutit tunniunneqartarnerannut ulloq 1. juli 2022-miit siumullu sunniuteqarluni.

*Namminersorlutik Oqartussat, ulloq 13. juuni 2023*

**Múte Bourup Egede (atsior.)**  
Naalakkersuisut Siulittaasuat

**Namminersorlutik Oqartussat**  
Imaneq 4  
3900 Nuuk  
E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut